

REGIONAL NEWS

UNIT

ALL INDIA RADIO, AGARTALA

Date:11-05-2024

Time: 07.35-07.40 AM Hrs

BENGALI MORNING BULLETIN

Food Dir. :

দক্ষিণ আসামের ডিমাহাসাও জেলার নিউ হাৰাঙ্গাজাও ও জাটিঙ্গা-লামপুরে ক্ষতিগ্রস্ত রেল লাইন সারাইয়ের পর পেট্রোল এবং ডিজেল নিয়ে পণ্যবাহী ট্রেন খুব শীঘ্রই ত্ৰিপুৱাৰ উদ্দেশ্যে রওনা হবে। এন এফ রেলওয়ের এক মুখপাত্র এখবর জানান। তিনি জানান, গতকালও এই রেলপথ দিয়ে আটা এবং ভোজ্য তেল নিয়ে একটি পণ্যবাহী রেল রওনা হয়েছে।

PM Modi at Bhubaneswar :

বৰিষ্ঠ বিজেপি নেতা তথা প্রধানমন্ত্রী নৱেন্দ্ৰ মোদি গতকাল সন্ধ্যায় নিৰ্বাচনী প্ৰচাৰে ওড়িশাৰ ভুবনেশ্বৰে পৌঁছেছেন। ১৩ তাৰিখ থেকে চাৰটি পৰ্বে শুরু হওয়া লোকসভা নিৰ্বাচনে প্ৰচাৰে অংশগ্ৰহণ কৰবেন তিনি। দুইদিনব্যাপী এই সফৰে একটি ৰোড শো কৰাৰ কথা রয়েছে নৱেন্দ্ৰ মোদিৰ। আজ কান্ধমাল, বালাঙ্গিৰ এবং বাৰগড় লোকসভা সংসদীয় আসনে তিনিটি জনসভায় ভাষণ দেবেন প্রধানমন্ত্রী নৱেন্দ্ৰ মোদি।

E-Attendance :

রাজ্যে শিক্ষার গুণগত মান উন্নয়নে, শিক্ষক-শিক্ষিকাদের এবং ছাত্রছাত্রীদের উৎকর্ষ বৃদ্ধি করতে রাজ্য সরকার খুব শিগগিরই সমস্ত বিদ্যালয়ে E-Attendance System চালু করার উদ্যোগ নিয়েছে। শিক্ষা দপ্তর সূত্রে জানা গেছে, বিদ্যা সমীক্ষা কেন্দ্রের মাধ্যমে এই ডিজিটাল ব্যবস্থাপনায় বিদ্যালয়ের পঠন-পাঠন এবং অন্যান্য কাজে স্বচ্ছতা আসবে। সমগ্র রাজ্যে ৪ হাজার ৯১২টি সরকারী বিদ্যালয়ে শিক্ষক শিক্ষিকা ও ছাত্রছাত্রীদের জন্য E-Attendance System চালু করা হবে।

Carbon free villege :

রাজ্যের দক্ষিণ জেলার সাব্রুম মহকুমার রূপাইছড়ি ব্লকের প্রতিটি গ্রাম পঞ্চায়েতগুলোকে কার্বন নিঃসরণ মুক্ত গ্রাম হিসেবে গড়ে তোলার কাজ করা হচ্ছে। ইতিমধ্যে এ ব্যাপারে রূপাইছড়ি ব্লক কেন্দ্রীয় সরকারের কাছ থেকে পুরস্কৃতও হয়েছে। রাজ্য সরকারের পঞ্চায়েত দপ্তরের অধিকর্তা প্রসূন দে আকাশবাণীকে জানিয়েছেন, রূপাইছড়ি ব্লকের অন্তর্গত গ্রাম পঞ্চায়েত ও এডিসি ভিলেজগুলোতে বিকল্প শক্তি হিসাবে সৌর বিদ্যুতায়নে কাজ চলছে, বৈজ্ঞানিক পদ্ধতিতে সবুজায়নের উদ্যোগ নেওয়া হয়েছে।

Current Affairs :

কবিপক্ষে, আলোচনায় ঘুরে ফিরে আসে ভারতীয় লোকাচার ও সংস্কৃতি নিয়ে রবীন্দ্রনাথের চিন্তা-ভাবনা। আজ আকাশবাণী আগরতলার সংবাদ বিভাগের সাপ্তাহিক আলোচনায় এরকম একটি অনুষ্ঠান পরিবেশন করা হবে বেলা তিনটে বেজে ১৫ মিনিটে।

আলোচনা করবেন শচীন দেব বর্মণ স্মৃতি সরকারি মহাবিদ্যালয়
এর অধ্যক্ষা ডক্টর মনিকা দাস। মূল অনুষ্ঠানটি সম্প্রচারের পরেই
AIRNews Agartala-র ফেসবুক ও ইউটিউবে অনুষ্ঠানটি শোনা
যাবে।

Update Akashvani :

শ্রোতাবন্ধুরা, আকাশবাণীর সংবাদ সহ বিবিধ খবরের বিস্তৃত
আপডেট পেতে লগ ইন করুন - ডব্লিউ, ডব্লিউ, ডব্লিউ ডট,
নিউজ অন এআইআর ডট কম এবং নিউজ অন এআইআর
অ্যাপ, এবং টুইটার অর্থাৎ এক্স প্ল্যাটফর্মে। আপডেট পেতে দেখুন
আকাশবাণী নিউজ আগরতলা / ফেসবুকে এআইআর নিউজ
আগরতলা এবং ইউ টিউবে এআইআর নিউজ আগরতলা।

President :

রাষ্ট্রপতি দ্রৌপদী মুর্মু আজ রাষ্ট্রপতি ভবনে দ্বিতীয় বিনিয়োগ
অনুষ্ঠানে পদ্ম পুরস্কার প্রদান করবেন। পদ্ম পুরস্কার দেশের
সর্বোচ্চ অসামরিক পুরস্কারগুলির মধ্যে একটি। ৩টি বিভাগে
প্রদান করা হয় পদ্মবিভূষণ, পদ্মভূষণ এবং পদ্মশ্রী। গত মাসের
২২শে এপ্রিল রাষ্ট্রপতি ৩টি পদ্মবিভূষণ, ৮টি পদ্মভূষণ এবং
৫৫টি পদ্মশ্রী পুরস্কার প্রদান করেন।

Combat Cyber Fraudsters :

টেলিকম সম্পদকে অপব্যবহার করে যে সব সাইবার অপরাধ এবং আর্থিক প্রতারণা করা হচ্ছে তা প্রতিরোধ করার জন্য কেন্দ্রীয় প্রযুক্তি দপ্তর, স্বরাষ্ট্র বিষয়ক মন্ত্রক এবং রাজ্য পুলিশ একযোগে কাজ করছে। এই সম্মিলিত প্রয়াসের লক্ষ্য হল প্রতারকদের অপকর্মের অন্তর্জালকে ছিন্ন-ভিন্ন করে ফেলা এবং সাধারণ নাগরিকদের ডিজিটাল হুমকির হাত থেকে সুরক্ষা প্রদান করা।

Lok Adalat :

আজ চলতি বছরের দ্বিতীয় জাতীয় লোক আদালত অনুষ্ঠিত হবে। ত্রিপুরা হাইকোর্ট ছাড়াও রাজ্যের সব জেলা এবং মহকুমা আদালত চত্বরে লোক আদালত বসবে। আজকের লোক আদালতে রাজ্যে মোট ৪২টি বেঞ্চে ১৭,৯৩৮টি মামলা নিষ্পত্তির জন্য তোলা হবে। এর মধ্যে মামলা পূর্ববর্তী বিরোধ সংক্রান্ত ৪,০৭৪টি বিষয় এবং আদালতে বিচারাধীন ১৩,৮৬৪টি মামলা রয়েছে। এরমধ্যে ত্রিপুরা হাইকোর্টে একটি বেঞ্চে ৪৬টি মামলা নিষ্পত্তির জন্য তোলা হবে।

State Chess :

দুদিনব্যাপী রাজ্যভিত্তিক অনূর্ধ্ব-৭ বছরের বিভাগে এবং সিনিয়র মহিলা বিভাগে দাবা প্রতিযোগিতা আজ থেকে শুরু হচ্ছে। রাজধানীর এন এস আর সি সি-র দাবা হলঘরে হবে এই দুই আসর। রাজ্য দাবা সংস্থার উদ্যোগে আয়োজিত আসরে অনূর্ধ্ব-৭

বছরের বালক বিভাগে ১০ জন এবং বালিকা বিভাগে ৪ জন দাবাড়ু অংশ নিয়েছে।

First Division Cricket :

ঘরোয়া প্রথম ডিভিশন লিগ ক্রিকেট প্রতিযোগিতায় আজ তিনটি ম্যাচ হবে। এম বি বি স্টেডিয়ামে কসমোপলিটান ক্লাব খেলবে পোলস্টার ক্লাবের বিরুদ্ধে, নরসিংগড়ের টি আই টি মাঠে চলমান সংঘ খেলবে বনমালীপুর ক্রিকেট ক্লাবের বিরুদ্ধে এবং পুলিশ ট্রেনিং একাডেমি মাঠে শক্তিশালী হার্ভে ক্লাব খেলবে ওল্ড প্লে সেন্টারের বিরুদ্ধে।

National U-20 Football :

ছত্তিশগড়ের নারায়নপুরে স্বামী বিবেকানন্দ জাতীয় অনূর্ধ্ব-২০ বছরের বালক বিভাগে ফুটবল প্রতিযোগিতা আজ থেকে শুরু হচ্ছে। রামকৃষ্ণ মিশন মাঠে ত্রিপুরা গ্রুপের প্রথম ম্যাচে অরুণাচল প্রদেশের বিরুদ্ধে খেলবে। পরে ১৩ই মে আসাম এবং ১৫ই মে মধ্যপ্রদেশের বিরুদ্ধে রাজ্যদল গ্রুপের অপর দুটি ম্যাচ খেলবে।

Weather :

আজ আকাশ আংশিক মেঘাচ্ছন্ন থাকবে। কিছু কিছু জায়গায় বজ্র বিদ্যুত সহ হালকা বৃষ্টিপাতের সম্ভাবনা রয়েছে। তাপমাত্রা সর্বোচ্চ চৌত্রিশ ডিগ্রী এবং সর্বনিম্ন আঠাশ ডিগ্রী সেলসিয়াস এর কাছাকাছি থাকবে। আগামী চব্বিশ ঘণ্টায় রাজ্যের উত্তর,

ঊনকোটি ংবং ধলাই জেলায় বিক্ষিপ্তভাবে বজ্র বিদ্যুত সহ বৃষ্টি সঙ্গে ঘন্টায় ৪০ থেকে ৫০ কিলোমিটার বেগে ঝড়ো হাওয়া বয়ে যাওয়ার সতর্কতা জারি করা হয়েছে। বাকি জেলাগুলিতে বিক্ষিপ্তভাবে বজ্রবিদ্যুৎ সহ বৃষ্টিপাতের সম্ভাবনার কথা জানিয়েছে আবহাওয়া দপ্তর।
